

II - ARABAKO LURRALDE HISTORIKOAREN TOKI ADMINISTRAZIOA

OKONDOKO UDALA

2026. urterako kultura-, kirol- eta gizarte-arloko dirulaguntzak emateko oinarri arautzaileak onartzea

2026ko martxoaren 5eko Alkatetzaren Ebazpenaren bidez, 2026. urterako kultura, kirol eta gizarte arloko dirulaguntzak emateko oinarriak onartu dira. Dirulaguntzei buruzko azaroaren 17ko 38/2003 Lege Orokorraren 9. artikuluan aurreikusitakoaren arabera, argitaratu egiten dira.

2026. URTEAN KULTURA, KIROL ETA GIZARTE ARLOKO DIRULAGUNTZAK EMATEKO OINARRIAK

I. KAPITULUA

XEDAPEN OROKORRAK

1. ARTIKULUA. OINARRIEN XEDEA.

Oinarri hauen xedea da Okondoko Udalak 2026. urtean kulturaren, kirolaren eta gizartearen arloko jarduerak, udal-programak osatzen dituztenak, egiteko dirulaguntzak emateko erabiliko duen prozedura arautzea. Dirulaguntza horien bitartez, Okondoko herritarrentzat interes publikoko edo gizarte intereseko jarduerak bultzatuko dira 2026ean eta horri esker udalak bere jardun eremuetan dauzkan helburuak lortu ahal izango ditu.

Dirulaguntza hauei honako hauek aplikatuko zaizkie: Okondoko Udalak onetsi duen udal-dirulaguntzak emateko prozedura arautzen duen ordenantza orokorra; Arabako Lurralde Historikoko Dirulaguntzei eta Transferentziei buruzko otsailaren 7ko 3/1997 Foru Araua; Dirulaguntzei buruzko azaroaren 17ko 38/2003 Lege Orokorra; eta aplikatu daitezkeen legeria osagarria.

2. ARTIKULUA. DIRULAGUNTZA-ILDOAK, DIRUZ LAGUN DAITEZKEEN KONTZEPTUAK ETA DIRULAGUNTZAREN ZENBATEKOA.

2026. urtean zehar egin eta egingo diren jarduera eta proiektuetarako dirulaguntza; dirulaguntzaren zenbatekoa, gehienez ere, oinarri hauen arabera dirulaguntza jaso dezaketen eta 2026ko urtarrilaren 1etik 2026ko abenduaren 31ra arte sortu diren gastuen ehuneko laurogei izango da.

Dirulaguntza-lerro hau bi arlotan banaka daiteke: Gizarte-kultura, batetik, eta kirola, bestetik; dirulaguntzen kontzeptuak geroago zehaztuko dira.

Ezein elkarte ezin izango du eskatu mila eta zortziehun eurotik gorako dirulaguntzarik.

3. ARTIKULUA. AURREKONTU-ZUZKIDURA.

Gastua ekitaldian dagokion udal-aurrekontuaren partidari egotziko zaio.

4. ARTIKULUA. DIRUZ LAGUN DAITEZKEEN PROGRAMAK ETA JARDUERAK.

Dirulaguntza hau Okondoko herritar ororentzako diren eta ohiko bitartekoetan (Udalaren WhatssApp-a, aldizkaria, web-orria eta kartelak) publikizitatea egingo zaien jardueretarako bakarrik izango da.

Dirulaguntza jasotzeko, ezinbesteko betekizuna izango da eskatutako informazio guztia eranstea, bai eta diruz lagundutako jarduerak iragartzeko kartelen ale bana ere, zeinak irizpide hauek bete beharko baititu:

— Udalaren logotipoa.

— Euskara txertatzeko bete beharreko hizkuntza-irizpideak (nahitaez bete beharreko irizpideak doaz honekin batera).

— Genero-ikuspegia txertatzeko bete beharreko berdintasun-irizpideak (hizkera eta irudi inklusiboak).

4.1. Diruz lagun daitezkeen gastutzat joko dira ondoko kontzeptu hauengatik sortzen direnak:

- Garraioa kontratatzea gizarte-, kultura- eta kirol-ekitaldietan parte hartzeko.
- Haurrentzako animazio-jarduerak.
- Txokolatadak, luntxak, merendolak, baina betiere diruz lagun daitekeen jarduera publiko bati lotuta, eta gehienez 150,00 euroko zenbatekoarekin.
- Jarduerak jai tradizionaletan (Santa Ageda, San Prudentzio, Olentzero, Erregeen kabalgata eta beste batzuk).
- Gizarte- eta kultura-jarduerak (emanaldiak, antzezpenak, hitzaldiak, arte- eta kultura-lehiaketak eta elkartearen jarduerari loturiko prestakuntza-ikastaroak eta -tailerrak).
- Kirol-txapelketak, -erakustaldiak eta mendira irteerak antolatzea.
- Kirol-txapelketetako sariak (barne hartzen dira janari-loteak, garaikurrak, opari-txartelak edo beste batzuk, dirutan ematen diren sariak izan ezik).
- Elkartearen Ziurtagiri Digitala lortzean eta berritzean sor daitezkeen gastuak (lizenpe, diruaren eta zerga-zigiluaren fabrikako ziurtagiria...).
- Elkartearen lokala erabiltzeko erantzukizun zibileko aseguruak.

4.2. Dirulaguntza jasoko ez duten gastuak:

- Otorduak.
- Txangoetarako sarrerak edo gida-zerbitzuak.
- Jarduera piroteknikoak.
- Herritarrei irekitako jarduera publiko baten inguruan antolatzen ez diren luntxak edo merendolak.
- Opariak, edozein motatakoak direla ere, elkarteak antolatutako eta aldeztu aurretik justifikatutako jarduera jakin batean egindako zerbitzu batengatik haborokin gisa justifikatzen direnak salbu.
- Dietak.
- Sariak eskudirutan.
- Hornikuntza-gastuak, Interneterako konexioa eta telefono-gastuak.
- Banku-gastuak.

5. ARTIKULUA. ESKATZAILEAK.

5.1. Dirulaguntza eskatu ahal izango du irabazteko xederik gabeko edozein elkarte, 2026. urtean kulturaren, kirolaren eta gizartearen arloetan programa edo jardueraren bat sustatu edo gauzatu nahi badu, Okondo udalerrri osoarentzat onura publikoa edo gizarte interesa duten jarduerak sustatze aldera, eta honako baldintza hauek betetzen baditu:

- Egoitza soziala edo egoitza Okondon izatea.
- Pertsona juridikoa bada, haren estatutuek beren-beregi jasotzea haren xedea interes orokorrekoa eta herriaren zerbitzurakoa dela edo irabazteko xederik gabe sortu dela.
- Udal honetako erregistroan agiri bidez frogatu ahal izatea zerga betebeharrak eta Gizarte Segurantzarekikoak egunean dituela.

- Elkartearen ekintza-esparrua Okondon garatzea.
- Dirulaguntzaren onuradun izateko debekuetan ez egotea, Dirulaguntzei buruzko azaroaren 17ko 38/2003 Lege Orokorrek 13. artikuluan ezarritakoaren arabera.

5.2. Debekuak: Ezin izango dute parte hartu Emakumeen eta Gizonen Berdintasunerako 4/2005 Legean edo Emakumeen eta Gizonen Berdintasun Eragingarrirako martxoaren 22ko 3/2007 Lege Organikoan ezarritako betebeharrak betetzen ez dituzten elkarte edo erakundeek.

6. ARTIKULUA. ESKAERAK.

6.1. Eskaerak aurkezteko epea: hilabetekoa izango da, ALHAOn deialdia argitaratzen denetik.

6.2. Argibideak eta eskaeren izapideak: deialdiari buruzko argibide guztiak eskura egongo dira udalaren webgunean (www.okondokoudala.eus).

Halaber, eskabideak Okondoko udaletxean edo Udalaren egoitza elektronikoaren bidez jaso eta aurkeztu ahal izango dira.

6.3. Aurkeztu beharreko agiriak:

- Eskaera bere izenean edo elkartearen izenean sinatzen duenaren NANaren fotokopia (dagoeneko udaletxean aurkeztu ez bada).

- Elkartearen IFZren fotokopia, dagoeneko udaletxean aurkeztu ez bada.

- Elkartea Okondoko Elkarteen Udal Erregistroan alta emanda ez badago, izena eman beharko du dirulaguntza eskatzen duenean, eta horretarako agiri hauek aurkeztu behar ditu: erakundearen estatutuen fotokopia, legez eratuta eta Eusko Jaurlaritzako Elkarteen Erregistroan erregistraturik dagoela egiaztatzeko agiria, eta IFZren egiaztagiria.

6.4. Eskaera:

1. Eranskina: Eskabide orokorra aurkeztu beharko da, behar bezala beteta eta sinatuta.

Jarduerak egiteko dirulaguntza jasotzeko.

2. Eranskina: Jarduararen fitxaren eskabidea aurkeztu beharko da. 2026ean egin diren edo egin nahi diren jarduera edo programa adina ale aurkeztu beharko dira.

3. Eranskina: Baimena aurkeztu beharko da, behar bezala beteta eta sinatuta.

Era berean, eskabide guztietan zehaztu beharko da beste administrazio edo erakunde batzuen dirulaguntzen eta beste iturri batzuen bidez lortutako finantzaketa osoa. Babesletzak eta parte-hartzaileen ekarpenek ezingo dute aurkeztutako programaren kostua gainditu.

Lortutako diru-sarrera horiek guztiak ere diru-sarrera gisa jaso beharko dira dirulaguntza justifikatzeko kontuan.

Udalak egokitzen jotzen dituen argibide guztiak eskatu ahal izango dizkie erakunde eskatzaileei, aurkeztutako eskabidea hobeto baloratzeko.

Eskabidea behar bezala eginda ez badago edo aipatutako datu nahiz agirietako baten bat falta bada, pertsona edo erakunde eskatzaileari errekerimendua egingo zaio, 10 egun balioduneko epean, akatsak zuzen ditzan, eta ohartaraziko zaio, hori egin ezean, besterik gabe eskabidea artxibatu egingo dela.

7. ARTIKULUA. ERAKUNDE ONURADUNAK DIRULAGUNTZAREN PUBLIZITATEA ZABALTZEA.

Dirulaguntza ematen zaien erakunde guztiek udal finantzaketa horren berri zabaltu beharko dute, udalaren logotipoa jarritz egiten dituzten material inprimatuetan (kartelak, liburuxkak, informazio orriak...), hedabide elektroniko edo ikus-entzunezkoetan edo idatzizko komunikabideetako iragarkietan. Horretarako, Okondoko Udalak udal-logotipoa emango die pertsona edo erakunde interesdunei.

Okondoko Udalaren dirulaguntzaz egiten diren jarduera guztien berri zabalduko da jarduera hasi baino 15 egun lehenago, interesa duten guztiek parte hartu ahal izan dezaten eta udalak egokitzat jotzen dituen hedabideen bidez jardueraren berri eman dezan.

Jarduerari buruz informazioa emateko karteletan jardueran parte hartu nahi duenak ordaindu beharreko prezioa zehaztu beharko da.

Gainera, Okondoko Udalaren euskararen erabilerarako plan estrategikoari jarraituz, bi hizkuntza ofizialak erabiliko dira, euskara eta gaztelania, diruz lagundutako programa edo jardueraren publizitaterako egiten diren kartel, testu eta agirietan.

Nahitaez sartu beharko dira, halaber, genero-ikuspegia txertatzeko bete beharreko berdintasun-irizpideak (hizkera eta irudi inklusiboak).

8. ARTIKULUA. ONURADUNEN BETEBEHARRAK.

Hauexek dira erakunde onuradunaren betebeharrak:

- Dirulaguntza ematea arrazoitzen duen helburua betetzea, proiektua egitea, jarduera gauzatzea edo jarrera izatea.

- Dirulaguntza ematen duen organoaren aurrean baldintzak betetzen direla justifikatzea, baita dirulaguntza emateko oinarrian izan den jarduera egin dela edo helburua bete dela ere.

- Dirulaguntza ematen duen organoak egiten dituen egiaztapen jarduketa guztiak onartzea, bai eta kontrol-organo eskudunek, estatukoek zein erkidegokoek, finantzak kontrolatzeko eta egiaztatzeko egiten dituztenak ere. Horrelakoetan, eskatzen zaien informazio guztia eman beharko dute.

- Laguntza ematen duen organoari jakinaraztea diruz lagundutako jarduerak finantzatzeko beste dirulaguntza, laguntza, diru-sarrera edo baliabide batzuk lortu izana. Horren berri jakin bezain laster jakinarazi beharko zaio, eta, nahitaez, jasotako funtsak nola erabili diren justifikatu baino lehen.

- Dirulaguntza emateko ebazpenaren aurretik, Udalarekiko zerga-betebeharren eta Gizarte Segurantzarekiko betebeharren ordainketa egunean dagoela frogatzea.

- Gordeta edukitzea jasotako laguntzak zertan erabili diren egiaztatzen duten agiriak, agiri elektronikoak barne, egiaztatuak eta kontrolatuak izan baitaitezke.

- Okondoko Udalaren euskararen erabilerarako plan estrategikoan ezarrita dagoena betetzea, programa edo jarduera iragartzean nahiz gauzatzean.

- Berdintasun-irizpideei jarraitzea bere jardueren komunikazioan eta kartelgintzan, hizkera eta irudi ez-sexistak erabiliz. Hori dela eta, udalak berdintasunaren arloko prestakuntza eta aholkularitza tekniko jarraitua antolatuko du elkarteentzat.

- Udalak berdintasunaren arloan antolatzen dituen prestakuntza jardunaldietara joatea, elkartei laguntza indibidualizatua eta adostua emateko prozesuaren barruan, honako helburu hauekin:

- Hizkuntzaren eta irudien erabilera ez sexista egitea.
- Estatutuak aldatzea, genero ikuspegia barne har dezaten.
- Zuzendaritza-batzordeak aldatzea, paritarioak izan daitezen.
- Indarkeria matxista eta mikromatxismoak prebenitzea elkarteen jardueren barruan.

9. ARTIKULUA. BALORAZIO-IRIZPIDEAK.

Dirulaguntzak emateko, kontuan hartuko dira irizpide hauek:

- Proiektuaren hedadura (jarduera egiteak zenbat pertsonari ekarriko dion onura).

- Entitate eskatzaileak bere jarduera-eremuan erakutsi duen jarraitzeko gaitasuna eta egonkortasuna.
- Jarduerak euskaraz egitea.
- Eskatzaileak beste finantzabide batzuetara jotzeko zailtasuna izatea; eskatzaileak dituen baliabide ekonomikoak, eskatutako zenbatekoaren aldean; eta baliabide eta finantzabideen bila egiten duen ahalegina.
- Programaren eta proiektatutako jardueren bideragarritasuna.
- Aurkeztutako balantze ekonomikoa.
- Berdintasun-eta aniztasun-irizpideak, honako kasu hauetan:
 - Diruz lagundutako proiektuak edo jarduerak genero-ikuspegia jasotzen badu diagnostikoan, helburuetan, jardueraren garapenean edo justifikazio-memorian.
 - Jardueran, emakumeen egoera, behar, interes, jomuga eta problematika espezifikoak kontuan hartzen baditu.
 - Jarduerak genero-estereotipoak eta -rolak aldatzea eragiten badu.
 - Jarduerak gizonen zaintza-lanak edo gurasoen eta seme-alaben arteko jarduerak sustatzen baditu.
 - Jarduerak haurren baterako zaintza-sistemak aurreikusten baditu, gurasoek zaintza horiek egitea erraztuko dutenak, eta bizitza pertsonala eta familiakoa jarduera garatzearekin bateragarri egitea ahalbidetuko duten ordutegi eta lekuetan garatzen bada.
- Onuradunak gutxienez ehuneko berrogei emakumeak direnean.

10. ARTIKULUA. EBAZTEKO ESKUMENA DUEN ORGANOA.

Dirulaguntza emateko eskumena alkate-presidenteak izango du, Kulturako teknikariak eta idazkari kontu hartzaileak aldeztu aurretik txostena eginda.

11. ARTIKULUA. EBAZTEKO ETA JAKINARAZTEKO EPEA.

Eskaerak ebazteko eta pertsona edo erakunde eskatzaileei ebazpena jakinarazteko epea lau hilabetekoa da, deialdi hau argitaratzen denetik hasita. Dirulaguntza emateko ebazpenak nahiz dirulaguntza ukatzekoak, denak jakinaraziko dira.

12. ARTIKULUA. DIRULAGUNTZEN JUSTIFIKAZIOA.

12.1. Justifikaziorako epea:

Pertsona edo erakunde eskatzaileek dirulaguntzaren justifikazioa beranduenez 2027ko urtarilaren 15ean aurkeztu beharko dute. Epe horretan dirulaguntzen ildoetako fakturak eta ordainagiriak, kartelak eta dagozkion eranskinak aurkeztu beharko dira, behar bezala beteta eta sinatuta.

12.2. Dirulaguntzen justifikazioa:

Dirulaguntzarako aurkeztutako aurrekontuaren ehuneko 100 justifikatu beharko da, eta ez udalak emandako diru-kopurua bakarrik, Dirulaguntzei buruzko azaroaren 17ko 38/2003 Lege Orokorrak xedatzen duen moduan.

12.3. Justifikatzeko sistema:

Justifikazioan honako hauek bildu beharko dira:

- 4. Eranskina: Dirulaguntzaren justifikazioa, pertsona edo erakunde eskatzaileek guztiztat.
- 5. Eranskina: Jardueraren fitxak. Egindako jarduera bakoitzerako bat aurkeztu beharko da, behar bezala beteta.

- Egingako gastuen jatorrizko fakturak edo fotokopia konpultsatuak.
- Ordainagiriak (fakturaren zenbatekoa eskudirutan ordaintzen bada, nahikoa izango da kasuan kasuko merkataritza-establezimenduak edo enpresak kobratu edo ordaindu izanaren zigilu bat jartzea eta, horren gainean, eskuz egindako sinadura; edo, bestela, enpresak sinatutako idazkia, identifikatzen duen fakturaren ordainketa eskudirutan jaso duela adierazten duena). Baldin ordainketa banku transferentzia bidez egiten bada, egiaztagiria erantsi beharko da (nahitaez banku transferentzia bidez egin beharrekoak dira 2.500,00 eurotik gorako ordainketak).
- Jardueraren berri emateko erabilitako kartelaren, liburuxkaren... ale bat.
- Aurkeztutako fakturen guztirako zenbatekoa diruz lagun daitekeen aurrekontuaren ehuneko 100 baino txikiagoa bada, edo diruz lagundutako proiektu zein jarduera burutzen ez bada, onuradunak horren berri emango dio udalari, gainerako dirua udal diruzaintzan sartzeko edo, bestela, emandako dirulaguntza murrizteko.

12.4. Batere justifikaziorik edo justifikazio nahikorik ez ematea:

Batere justifikaziorik edo justifikazio nahikorik ematen ez bada, jasotako diru-kopuruak itzuli beharko dira berandutze interesekin batera, Dirulaguntzei buruzko Lege Orokorraren 37. artikuluko 1. paragrafoan ezarritako eran.

13. ARTIKULUA. ORDAINKETA.

Emandako dirulaguntza bi ordainketetan ordainduko da:

- Ehuneko 80 ordainduko da emakida ebazten denean.
- Gainerako ordainketa aurreko puntuan aipatutako justifikazioa aurkeztu ondoren ordainduko da.

Elkarteek emandako dirulaguntzaren ehuneko ehun aldeztatik aurretik ematea eskatu dezakete, eta horretarako beharra idatziz justifikatu beharko dute.

Emandako dirulaguntza ordaintzeko, ezarritako baldintzak betetzen direla eta aurreikusitako helburuak lortu direla justifikatu beharko da.

14. ARTIKULUA. BALDINTZAK EZ BETETZEA, ETA DIRULAGUNTZA ITZULARAZTEKO PROZEDURA.

Onuradunak dirulaguntza jasotzeko oinarri hauetan edo udalaren dirulaguntzak arautzen dituen ordenantzan jarri diren baldintzak betetzen ez baditu eta, era berean, aurkeztu beharreko datuak eta agiriak faltsutzen edo gordetzen baditu, kendu egingo da dirulaguntza, eta kasu horretan itzuli egin beharko du jasotako zenbatekoa.

15. ARTIKULUA. GARAPENA ETA INTERPRETAZIOA.

Oinarri hauen interpretazioari buruzko zalantza guztiak alkateak argituko ditu, dagokion informazio-batzordeak txostena egin ondoren.

Oinarri hauetan jasotzen ez den orotarako Okondoko Udalaren dirulaguntzak arautzen dituen ordenantzan eta gainerako araudi aplikagarrian zehaztutakoari jarraituko zaio.

Oinarri horiei dagozkien eranskinak udalaren webgunean egongo dira eskuragarri.

Okondon, 2026ko martxoaren 5ean

Alkatea

JUAN JOSÉ ESCUZA DEL CAMPO